

zur Newenstatt an der Hart getruckte. 7

Martinus Bucerus ist vnter euch der fürenembsten einer / vnd ein Christlicher lieber Bruder vnd Mitdiener Christi vnter euch / der euch schon beim leben heilig machet. Derselbig hat vnser Psalters / Ern Johannes Pommers Psalter verlasst / (als er dann grosse Gnad hat zu reden vnd zu dolmetschen) vnd hat das seine Buch mit der Gifft ewer Lehr / vom H. Sacrament also verderbt / daß da schwerlich rahr mag funden werdē / weil dasselbig Buch vnter souil Leut kompt / vnd vnter Er Johannes Namen vnd Arbeit mit vnser verkaufft würdt / eben der Irthumb / da er doch mit Hand vñ Mund stettiglich widerficht. Solch Stricklin laßt jhr heilige Leut gebn / als bettet jr gefallen darinnen / vnd haltet jhn nicht zum widerauff / vnd widerstatten. So jr doch wol wisset / daß Er Johann dran gelegen ist / vnd wie hoch er mit solchem Bubenstück beleidiget ist. Bis das her D. Luthers wort.

Eben ein solch Bubenstück haben die Heidelbergische Calvinisten / mit dem herrlichen Buch / D. Luthers Teutscher Bibel im 1588. Jar begangen / welche sie zur Newenstatt an der Hart in Quarto / mit Summarien vnd Lehren jedes Capitel / Concordanzen / Chronicken / Landtafeln vnd andern Figuren / sampt einem Register trucken lassen / vnd das alles beneben D. Luthers Namen / daß der Christlich Leser / dem solch Bubenstück unbekant / nicht anderst gedenccken soll / als ob solches alles auch D. Luthers Lehr vnd meinung sein sollte. Welches ein besonders groß Bubenstück